

## ՀԱՅԿԱԿԱՆ ԲԱՆԱԿԸ

Հայոց լեռներ սև-սև ամպեր  
 Կուտակվել են, փաթաթվել,  
 Հայոց լեռներ սեգ-սեգ խըմբեր,  
 Գոռ գընդեր են ողջ պատել:

5 – Ո՞վ է կանգնած լեռների հետ  
 էն հըզորը անսասան,  
 Ծածանում է գըլխին վետ-վետ  
 Իր դըրոշը սրբազան:

– էն Սասունցի Դավիթն է հին,  
 10 Մըսրա շըղթան խորտակել,  
 Թուր-Կայծակին իրեն ձեռին՝  
 Լույս աշխարհ է դուրս եկել:

Հայոց մըթին լեռների հետ  
 Նա է կանգնած անսասան,  
 15 Ծածանում է գըլխին վետ-վետ  
 Հայոց դըրոշը սրբազան:

Էլ ո՞ր հավըր կանցնի թևով  
 էն լեռների մութ շարքից,  
 Ո՞ր թշնամին կանցնի կենդան  
 20 Դավթի զորքից ու զարկից:

Հայոց լեռներ սև-սև ամպեր  
 Կուտակվել են, փաթաթվել,  
 Հայոց լեռներ սեգ-սեգ խըմբեր  
 Գոռ գընդեր են ողջ պատել: